



**WARBIXINTA WAXQABADKA HAY'ADDA WADDOOYINKA DPL
SADDEXDA BILOOD**

March, April, May 2022

OFFICE OF THE CEO
PUNTLAND HIGHWAY AUTHORITY

Table of Contents

<i>Warbixinta Waxqabadka Hay'adda 3-da Bilood-March, April, May 2022</i>	3
<i>Hordhac:</i>	4
<i>Ujeedooyinka Hay'adda Sannadka 2022</i>	4
1. WAXQABADKA HORUMARINTA MAAMULKA PHA	4
1. Waxqabadka Shaqooyinka Hormarinta Maamulka Iyo Maaliyadda:	4
1.1 Diiwaangalinta Hantida Hay'adda	4
1.2 Tababarka Shaqaalaha Maamulka Iyo maaliyadda	4
2. Shaqada iyo Shaqaalaha	5
2.1 Kulanka Billaha Ee Shaqaalaha	5
2.2 Abaalmarinta Bisha:	5
2.3 Abaalmarinta Shaqaalaha ee sadex biloodlaha:	5
2.4 kullamada laba isbuuclaha ee Agaasime waaxeedyada:	6
2.5 Shaqaalayn Shaqaale Cusub:.....	6
2.6 Tababarka Injineerada	6
2.7-Dayactirka Hay'adda	7
2.8 Qalabaynta Xafiisyada:.....	7
2.9.Dayactirka Shaybaarka Hay'adda	7
2.10 Samaynta Guddiga Sare Ee Hay'adda (BOD)	8
2.0 Waxqabadka Mashaariicda Dayactirka Jidka Laamiga Ah	9
2.1 Waxqabadka Mashaariicda Dayactirka Jidka Laamiga Ah Phase-2:	9
2.1.1 Mashruuca Dayactirka 45 Buundo Bosaso-Kalabayr:.....	9
2.1.2 Mashruuca Dayactirka Buundooyinka Qayaadsame.....	9
2.1.3 Mashruuca Dayactirka Waddada Xaaji-khayr	10
2.1.4 Mashruuca Dayactirka Jidka Laamiga Middigar	10
2.1.5 Mashruuca Dayactirka 8da Buundo Garowe- Birta Dheer	10
2.1.6 Mashruuca Dhisidda Jidka Laamiga 14km Laacdheere-Rabaable.....	11
2.1.7 Mashruuca Dayactirka Jidka Jalam-Xarfo	11
2.1.8 Mashruuca Dayactirka jidka laamiga Garowe-Falayryaale	11
2.2 Diyaarinta Qorshaha Dayactirka Jidka laamiga ah Phase-2	12
3. Waxqabadka Sahanka Iyo Dayactirka Hay'addu Fulisay	12
3.2 Waxqabadka Goddad Buuxinta:	13
3.3 Furista Buundooyinka Iyo Biyo Mareenada:	14
4. Waxqabadka Koormeerrada Hay'adda	14
4.1 Kormeerka Guddoomiyaha Hay'adda Jidka Jalam-Xarfo:	14
4.2 Kormeerka Guddoomiyaha Xerada Qalabka iyo shaybaarka Buurtinle:	15

4.3 Kormeerka 45-ta Culver-ti Bosaso-Kalabayr:.....	15
4.4 Kormeerka Dayactirka Buundooyinka qayaadsame :	16
4.5 kormeerka Jidka Laacdheere-Rabaable :	16
4.6 Daraasadda Qiimeynta Xaaladda Buundooyinka Garowe-Bosaso:	16
5.Xoojinta Xiriirada Kala Duwan.....	17
5.1 Xoojinta Xiriirka Laamaha Dawladda.....	17
5.2 Xoojinta Xiriirka Hay'addaha Caalamiga ah.....	17
5.3 XOOJINTA XIRIIRKA DADWEYNAHA.....	17

**Hay'adda
Wadooyinka DPL**



**Puntland Highway
Authority**

**Warbixinta Waxqabadka Hay'adda 3-da Bilood-March, April, May
2022**



XARIG JARKA DAYACTIRKA XAFIISKA HAY'ADDA WADDOOYINKA DPL

Hordhac:

Warbixinta waxqabadka hay'adda ee 3da bilood oo ah warbixin soo koobaysa waxqabadkii iyo guulihii ay hay'addu ka gaartay, shaqooyinkii qorshaysnaa sadexdii bilood ee lasoo dhaafay **(March, April, May)**, iyo kuwii aan qorshaha ku jirin balse lagu guulaystay in la qabto. Warbixintan waxqabadka hay'adda ee sadexda bilood ayaa ah mid dabakhaysa qorshayaasha waxqabad ee hay'adda Waddooyinka Dowladda Puntland sannadka 2022.

Ujeedooyinka Hay'adda Sannadka 2022

- 1- In la horumariyo Awoodda Maamulka iyo Maaliyadda Hay'adda, (Management and financial capacity building) iyadoo lagu dhaqmayo qiyamka hufnaanta, isla xisaabtanka iyo daahfurnaanta hay'adda.
- 2- In la horumariyo Awoodda Hay'adda ee Farsamada dhismaha iyo sahanka waddooyinka Puntland (Technical Capacity Building) iyadoo kor loo qaadyo Awoodda Dayactirka, Dhismaha, Naqshada, Sahanka iyo Shaybaarka.
- 3- Sahanka, Dayactirka iyo horumarinta jidadka laamiga wayn (Bosaso-Gaalkcayo & Garowe-Laascaanood) oo ah mashaariic ay fulinayso hay'adda PHA sanadka 2022.
- 4- Maamulka, kormeerka iyo dabagalka Mashaariicda dayactirka ee horumarinta Jidadka ay fulinayaan Qandraslayda Maxaliga ah iyo kuwa Caalamiga ah.
- 5- In la xoojiyo Xiriirka Hay'adda PHA ay la lahayd Hay'adda Caalamiga, Deeq bixiyaasha, Dowladda iyo Dadweynaha, lana dhiso sumcadda Hay'adda.

I.WAXQABADKA HORUMARINTA MAAMULKA PHA

I. Waxqabadka Shaqooyinka Hormarinta Maamulka Iyo Maaliyadda:

I.1 Diiwaangalinta Hantida Hay'adda

Hay'addu waxay bishii march diiwaangalin ku samaysay hantida hay'adda, waxaana shay walba oo ka mid ah hantida hay'adda loo sameeyey asset No u gaar ah .

I.2 tababarka Shaqaalaha Maamulka Iyo maaliyadda

Hay'addu waxay **12.03.2022** tababar ku saabsan nidaamka xisaabaadka ee Quick book u qabatay shaqaalaha waaxda maamulka iyo maaliyadda, tababarkan ayaa shaqaalaha waaxda maamulka iyo maaliyadda ka caawinaya inay u guuraan nidaamka xisaabaadka casriga ee quick book .

2. Shaqada iyo Shaqaalaha

2.1 Kulanka Billaha Ee Shaqaalaha

Waxa shaqaalaha hay'adda 3-dii bilood ee u dambaysay u qabsoomay kulanka billaha ahaa ee shaqaalaha hay'addu ku kala xog qaataan, marka laga reebo bishii afaraad oo uu kulanku kusoo beegmay maalmihii u dambeeyey ee bisha barakaysan ee ramadaan, sidaa darteed ay ahayd maalmo dadku cibaadado badsado.



2.2 Abaalmarinta Bisha:

Waxay hay'addu abaalmarino iyo shahaado sharaf gudoonsay shaqaalihii ugu fiicna bishii MAY ee hay'adda.

Waxaana loo gartay shaqaalah hoos ku xusan:

1. Abdirasaaq Ali Abdi
2. Maxamed Shire Faarax
3. Maxamed Cabulahi Warsame



2.3 Abaalmarinta Shaqaalaha ee sadex biloodlaha:

Waxaa kulankii ugu dambeeyey ee shaqaalaha oo dhacay 26-May, hay'addu ku abaalmarisay shaqsiyaadkii ugu waxqabadka fiicnaa hay'adda 3dii bilood ee lasoo dhaafay, waxaana loo gartay:

1. Khadar Axmed Cabdi
2. Maxamud Sulayman Axmed



2.4 kullamada laba isbuuclaha ee Agaasime waaxeedyada:

Hay'adda waxaa si joogta u qabsoomay sadexdii bilood ee lasoo dhaafay kulamada labadii isbuuc mar yeeshaan Guddoonka iyo agaasime waaxeedyada hay'adda.



2.5 Shaqaalayn Shaqaale Cusub:

Waxay 07 March 2022 Shaqaalaysiisay Eng.Mohamed Mohamud Jama iyadoo hay'addu u qaadatay booska Material Engineer. Waxay sidoo kale hay'addu qof u qaadatay booska procurement and Legal advice, waxay hay'addu booskaas hay'addu u qaadatay Abdirasaaq axmed Nuur, oo isugu ku guulaystay tartankii loo galay booskan.

CONGRATULATION

PHA Procurement & Legal Officer

Educational Background

- MBA at Amity University
- Master Degree of Procurement & ASM
- Bachelor Degree of Computer Science

Employment History

- Procurement Officer at PNTB, 2015 - May 2022
- Asset Manager at WRO, July 2013 - Jan 2015
- Vice Principal at Ahmed Gurey PSC, 2012-2013



Abdirizak Ahmed

HIRED

2.6 Tababarka Injineerada

Waxaa 03 Jun guddoomiyaha hay'addu daahfuray tababar lagu qabtay xarunta hay'adda , tababarkaas oo ku saabsanaa noocyada mashaariicda buundooyinka casriga ah .



2.7-Dayactirka Hay'adda

Waxaa bilihii March iyo April dib u dayactir balaaran lagu sameeyey qaybaha kala duwan ee xarunta hay'adda, sida xafiisyada shaqada hay'adda, shaybaarka hay'adda, dayrka bannaanka iyo gudaha, dhir jaris, iyo dhisme suuli cusub oo hay'adda loo sameeyey, dib u dayactirkan lagu sameeyey qaybaha kala duwan ee hay'adda ayaa kor u qaaday bilicda hay'adda.



2.8 Qalabaynta Xafiisyada:

Hay'addu waxay dib u qalabayn ku samaysay xafiisyada hay'adda, waxaana shaqaalaha loo gaday agabka kala duwan ee xafiisyada sida miisas, kuraas iyo armaajooyinka.



2.9. Dayactirka Shaybaarka Hay'adda

Hay'addu waxay dayactir balaaran ku samaysay shaybaarka hay'adda oo ahaa shaybaar muddo hore la rakibay waxaana lagu sameeyey dib u habayn iyo qurxin, iyadoo la rajaynayo in qalab badan oo casri ah loo dalbo.



2.10 Samaynta Guddiga Sare Ee Hay'adda (BOD)

madaxweynaha Dawladda Puntland ayaa **22 March 2022** magacaabay Guddiga Saree ee hay'adda **(BOD)** kadib talo soo jeedinta guddoomiyaha hay'adda, si loo helo shaqo ku dhisan isla xisaabsatan , loona helo kalsoonida iyo aaminaadda deeq bixiyaasha caalamka.

DOWLADDA PUNTLAND
EE SOOMAALIYA

XAFIISKA
MADAXWEYNAHA



ولاية بونت لاند
الصومالية

مكتب
الرئيس

PUNTLAND STATE OF SOMALIA
OFFICE OF THE PRESIDENT


Xeer Madaxweyne Lr. 15 ee 22^{ka} March 21, 2022, kuna saabsan magacaabid Guddiga Sare ee Hay'adda Waddooyinka Puntland (PHA).

Madaxweynaha Dowladda Puntland

- Markuu arkay:** Dastuurka Dowladda Puntland Qodobkiisa 80^{aad}.
- Markuu arkay:** Sharciga Hay'adda Waddooyinka PHA (Sharic Lr 18), qodobkiis 6^{aad}
- Markuu tixgeliyey:** Baahida loo qabo in la dhiso Guddiga Sare (BOD) Hay'adda Waddooyinka Puntland (PHA).
- Markuu tixgeliyey:** Talo soo jeedinta Guddoomiyaha Hay'adda Waddooyinka Puntland (PHA).
- Wuxuu xeeriyey:**

1. Guddiga Sare ee Hay'adda Waddooyinka Puntland PHA, waxuu ka kooban yahay 7 xubnood oo kala ah:
 - 1.1. Wasiirka Wasaaradda Howlaha Guud
 - 1.2. Wasiirka Wasaaradda Maaliyadda
 - 1.3. Wasiirka Wasaaradda Qorshaynta
 - 1.4. Agaasimaha Guud ee Madaxtooyada
 - 1.5. Agaasimaha Guud ee Bangiga Puntland
 - 1.6. Xubin ka socota Ururka Injineeradda Puntland
 - 1.7. Xubin ka socota Rugta Ganacsiga Puntland

2. Xeerkani wuxuu dhaqan geleyaa markuu Madaxweynuhu saxiixo.


Siciid Cabdullaahi Deni
Madaxweynaha Dowladda Puntland



Tell: +252-090-7797147; E-mail: dq.oop@plstate.so, oop@plstate.so; Website: www.plstate.so

HQ Office, Garowe, Puntland, Somalia, Email: pha.plstate@gmail.com

www.pha.pl.so

2.0 Waxqabadka Mashaariicda Dayactirka Jidka Laamiga Ah

2.1 Waxqabadka Mashaariicda Dayactirka Jidka Laamiga Ah Phase-2:

Dawladda Puntland waxay bartamihii sannadkii lasoo dhaafay 2021 bilawday qorshe isku tashi oo ay dawladdu maalgalinayso, waxaana mashaariicdan oo ilaa hadda phase-kii koowaad gaba-gabo marayo ku baxay lacag dhan \$7,753,406.

Hay'adda Waddooyinka PHA oo maamulaysay mashaariicdan ayaa dabagal, kormeeris iyo hubinta tayada(Quality Control) ku samaynaysay dhamaan mashaariicdan intii ay socdeen.

Mashaariicdan ayaa intooda badan soo gabagaboobeen bilihii March, April iyo May, waxaana hadda shaqadoodu socotaa meel fiicanna maraya laba mashruuc oo kala ah:

2.1.1 Mashruuca Dayactirka 45 Buundo Bosaso-Kalabayr:

Mashruucan ayaa waxaa dib u dayactir lagu sameeyey 45 Bridge, waxaana ku baxay lacag dhan \$863,500.00, Mashruucan ayaa shaqadiisa la qabtay 100%



2.1.2 Mashruuca Dayactirka Buundooyinka Qayaadsame

Mashruucan oo shaqadiisa la dhamaystiray 100% ayaa waxaa lagu dayactiray buundooyinka qayaadsame oo labo ka mid ah lagu sameeyey dib udhisid(Reconstruction), halka sadex buundo oo kale lagu sameeyey dib u dayactir(Rehabilitation) Waxaana ku baxay lacag dhan \$670,000.00 .



2.1.3 Mashruuca Dayactirka Waddada Xaaji-khayr

Mashruucan ayaa waxaa dib u dhis lagu sameeyey 4 Culverts waxaa sidoo kale dib u hagaajin(Rehabilitation) lagu sameeyey 4 birij (Culverts),Waxaana ku baxay kharash dhan \$220,000.00 .



2.1.4 Mashruuca Dayactirka Jidka Laamiga Middigar

Mashruucan ayaa waxaa dib u dhisid(reconstruction) lagu sameeyey 33 birij , waxaa sidoo kale dib u hagaajin(Rehabilitation) lagu sameeyey 11 Birijyo ,iyo dhigista 9km oo laami ah . Waxaana ku baxay lacag dhan \$1,650,000.



2.1.5 Mashruuca Dayactirka 8da Buundo Garowe- Birta Dheer

Mashruucan oo shaqadiisa la qabtaay 100% waxaa lagu dayactiray ilaa 8 birij inta u dhaxaysa Garowe ilaa Birta dheer, waxaana ku baxday lacag dhan \$120,000.00 .



2.1.6 Mashruuca Dhisidda Jidka Laamiga 14km Laacdheere-Rabaable

Mashruucan ayaa waxaa dib u dhisid cusub lagu samaynayaa 14km oo ah inta u dhaxaysa Laacdheere ilaa Rabaable, iyadoo gabi ahaanba la xaaqayo waddada hadda, dibna loo saarayo laami cusub, waxaana ilaa hadda shaqadiisa la qabtay 60% ,Waxaana ku baxaya kharash dhan \$2,100,000 .



2.1.7 Mashruuca Dayactirka Jidka Jalam-Xarfo

Mashruucan oo ay dawladda Puntland ku guulaysatay in uu dib u bilaabmo ayaa lagu dayactiryaa jidka laamiga ee Garowe-Galkacyo,waxaana phase-ka Iaad lagu dhisayaa 80km oo u dhaxeeye Jalam ilaa Xarfo, waxayna dawladda puntland kaga qaybqaadanaysaa \$1,800,000 (Contribution).



2.1.8 Mashruuca Dayactirka jidka laamiga Garowe-Falayryaale

Mashruucan oo shaqadiisa lasoo gabagabeeyey dhamaadkii bishii Feb ayaa dib loogu dayactirayey goddadka iyo garbaha laamiga inta u dhaxaysa Garowe-Falayryaale, waxaana ku baxay lacag dhan \$329,609.00



Hadaba, kharashka wadarta guud ee mashaariicdan hormarinta kaabayaasha dhaqaalaha gaar ahaan waddooyinka ay dawladda Puntland maalgalisay ayaa dhan **\$9,553,406 .**

2.2 Diyaarinta Qorshaha Dayactirka Jidka laamiga ah Phase-2

Hay'adda waddooyinka iyadoo hirgilanaysa qorshayaasha kaabayaasha dhaqaalaha ee dayactirka waddooyinka Dawladda Puntland, kuwaas oo phase-koodii koowaad soo dhamaaday.

Waxay hay'addu samaysay sahanno ay ugu kuurgalayso xaaladda jidka laamiga ah; sahannada ay hay'addu samaysay ayaa gundhig u noqon doona qorshaha dayactirka jidka laamiga ah Phase-kiisa labaad kaas oo lagu wado in uu bilawdo bilaha soo aadan.

Mashruucan ayaa noqon doono mid ay tartan furan u gali doono shirkadaha qandaraasleyda dalka, lagana qaadan doono shirkadaha ugu tayada iyo qalab fiican.

Waxayna hay'addu xilli horaba shirkadaha dhismaha dalka lasii wadaagtay xogta shaqada mashruucan, iyo waxyaalaha ay muhiimka tahay in laga helo shirkad walba

Waxaana hay'addu mashruucan phase-kiisa labaad ugu tala gashay in lagu dayactiro sagaal goobood kala ah .


1. Waddada Garowe-Sinujiiif
 2. Waddada Sinujiiif-Dangoroyo
 3. Waddada Dangoroyo-Xaajikhayr
 4. Waddada Xaajikhayr-Qardho
 5. Waddada Qardho-Waaciye
 6. Waddada Waciye-Carmo
 7. Waddada Carmo-Bosaso
 8. Waddada Garowe-Falayryaale
 9. Waddada Xaarxaar-Jalam
-

3. Waxqabadka Sahanka Iyo Dayactirka Hay'addu Fulisay

3.1. Sahminta Burburka Jidka Garowe-Bosaso

Horaantii bishii March 2022 waxay koox injineero ah oo ka koobnaa 5 qof, oo uu hogaaminayo Lead engineer-ka Hay'addu sahmin ku samayeen burburka soo gaaray jidka Garowe-Bosaso, sida garbaha waddada, buundooyinka, goddadka ka samaysmay jidka, iyo buundooyinka xirmay; iyadoo sahankan loo qaybiyey laba qaybood A- Garowe-Qardho iyo B- Bosaso-Qardho.

Warbixinta sahankan oo qaatay muddo laba isbuuc ah ayaa asaas u noqon doonta qorshaha dayactirka jidadkaas sannadka 2022.



3.2 Waxqabadka Goddad Buuxinta:

Kooxda dayactirka joogtada ah ee hay'adda ayaa wadda wajiga labaad ee goddad buuxinta jidka laamiga ah, kaas oo lagu buuxinayo goddadka samaysmay inta u dhaxaysa Bosaso iyo Qardho.

Waxay hadda shaqada goddad buuxintu laga qabanayaa inta u dhaxaysa Sheerbi iyo Waaciye. Horay waxay kooxda dayactirku usoo qabteen goddad buuxinta Garowe ilaa Qardho .

Shaqada goddad buuxinta ayaa ah dayactir joogta ah oo hay'addu samayso.



3.3 Furista Buundooyinka Iyo Biyo Mareenada:

Waxaa bishii May-2022 kooxda dayactirka ee hay'addu dib u fureen buundooyinka iyo biyo mareenada xirmay inta u dhaxaysa Qardho iyo Bosaso.

Shaqada ayaa xoogga lagu saaray furista dhumaha biyuhu maraan ee laamiga dhexdiisa iyo hareerihii , kuwaas oo ay xireen dhir,ciid,iyo dhagax.

Shaqadan ayaa ah mid ay hay'addu ku nadiifinayo jidka laamiga ah,taas oo khatara keeni kara haddii ay sidan sii ahaadaan.

waxaa shaqada nadiifinta buundooyinka iyo biyo mareenada wajiga labaad laga qaban doona inta u dhaxaysa Qardho iyo Garowe.



4.Waxqabadka Koormeerrada Hay'adda

4.1 Kormeerka Guddoomiyaha Hay'adda Jidka Jalam-Xarfo:

Guddoomiyaha Hay'adda PHA ayaa 07-March kormeer shaqo ku tagay dhismaha jidka jalam-xarfo kaas oo dhan 65km, mashruucan oo dhaqaalaha ku baxay uu dhanyahay \$6,100,000, ayaa waxaa 70% bixinaya European Union (EU), Halka 30% ay bixinayso Dawladda Puntland.



4.2 Kormeerka Guddoomiyaha Xerada Qalabka iyo shaybaarka Buurtinle:

Guddoomiyaha hay'adda PHA ayaa 05-March kormeer shaqo ku tagay xerada qalabka hay'adda iyo shaybaarka buurtinle .

Guddoomiyaha ayaa warbixin ka dhegaystay shaqaalaha goobta, iyadoo uga warbixiyey habka shaqada iyo xaaladda gaaddiidka iyo caqabadaha.



4.3 Kormeerka 45-ta Culver-ti Bosaso-Kalabayr:

Guddoomiye ku xigeenka hay'adda iyo koox injineero uu hogaaminayo ayaa 28-april kormeer shaqo ku tagay mashruuca 45-ta Dhuumaha Biyuhu maraan ee loo yaqaano (Culverts) ee ku yaalla inta u dhaxaysa Bosaso-Kalabayr.

Ujeeddada kormeerkan ayaa ahaa in lasoo qiimeeyo xaaladda dayactir dowladdu ku samaysay 45-ta Biyo mareen oo lasoo gabagabeeyey.

Mas'uuliyiinta shirkadda mashruucan fulisay ayaa ka warbixiyey shaqada ay qabteen.

Wafdigan ayaa mid mid u dul istaagan 45-ta Culvert ee la dayactiray.



4.4 Kormeerka Dayactirka Buundooyinka qayaadsame :

27-April waxay guddoomiye kuxigeenka hay'adda oo ay weheliyaan qaar ka mid ah injineerada hay'addu kormeer shaqo waxay ku tageen buundooyinka qayaadsame.

Ujeedka kormeerkan ayaa ahaa in lasoo hubiyo shaqada qandaraasluhu qabtay maadaama ay gabi ahaanba soo idlaadeen shaqooyinkii laga hayey goobtaas.

Mas'uuliyiinta shirkadda albashid ayaa wafdiga uga warbixiyey shaqada ay qabteen.



4.5 kormeerka Jidka Laacdheere-Rabaable :

Koox uu hogaaminayo Guddoomiyaha hay'adda PHA ayaa 31-May kormeer shaqo ku tagay dib u dhiska lagu samaynayo jidka laamiga ah Laacdheere-Rabaable.

Shaqada mashruucan ayaa meel wanaagsan maraysa waxaana socota shaqada dhigista ciidda iyo garaacisteeda .

Mashruucan ayaa hadda shaqadiisa la qabtay 60%.



4.6 Daraasadda Qiimeynta Xaaladda Buundooyinka Garowe-Bosaso:

Injineerada hay'adda waddooyinka DPL ayaa laga bilaabo 17-May, muddo isbuuc ah daraasad ka samaynayey xaaladda buundooyinka inta u dhaxaysa Garowe-Bosaso, Daraasaddan ayaa lagu ogaanayey hawlaha dayactir ee buundooyinku u baahanyihiin.



5.Xoojinta Xiriirada Kala Duwan

5.1 Xoojinta Xiriirka Laamaha Dawladda

Hay'adda waddooyinka DPL, waxay xoojisay xiriirka kala dhaxeeya hay'addaha kala duwan ee dawladda Puntland oo ay wada shaqayntu ka dhaxayso, iyadoo si fiican warbixinadda iyo xogaha u kala qaata .

5.2 Xoojinta Xiriirka Hay'addaha Caalamiga ah

Hay'addu waxay xoojisay xiriirka kala dhaxeeya hay'addaha caalamiga ah kuwooda wada shaqaynta dhaw la leh hay'adda .

5.3 XOOJINTA XIRIIRKA DADWEYNAHA

Hay'adda waddooyinku iyadoo ka duulaysa in ay dadweynaha Puntland ugu shaqayso si daahfuraan leh, isla markaana dadweynuhu ula socdaan shaqooyinka ay hay'addu u hayso bulshada, waxay hay'addu si joogta ula wadaagtaa bulshada meelaha ay marayaan shaqooyinka ay hay'addu waddo, iyadoo warbixinada u marinaysa qaybaha kala duwan ee war isgaarsiinta sida facebook.